



Toki herri administrazioaren alorrean energia eraginkortasunaren eta eguzki termikoaren aldeko inbertsioak sustatzeko laguntza programa

Oinarriak

-2020. urtea-

Energiaren Euskal Erakundea
Urkixo zumarkalea, 36. 1. solairua
48011 Bilbo
Tel.: 94 403 56 00

Toki herri administrazioaren alorrean energia eraginkortasunaren eta eguzki termikoaren aldeko inbertsioak sustatzeko laguntza programa

1. Programaren helburua, deskribapena eta diru laguntzen izaera

1.1. Apirilaren 5eko Europar Parlamentuaren eta Kontseiluaren 2006/32/CE zuzentarauak lege esparru berria ezartzen du eraginkortasunerako energiaren azken erabileran eta energia zerbitzuetan. Alde horretatik, herri administrazioari dagokionez, eredugarri jokatzen eskatzen zaio energia aurrezteko eta energia eraginkortasuna hobetzeko neurrien aplikazioan, energia berriztagarrien erabileran eta energia zerbitzuak kontratatzen sustapenean.

Geroago, 2012ko urriaren 25eko Europar Parlamentuaren eta Kontseiluaren 2012/27/UE zuzentarauak, 2006/32/CE zuzentzara indargabetzen duena, berretsi egiten du administrazio publikoen zeregin eredugarria energia zerbitzuen kontratazioari dagokionez.

Ildo horretatik, Eusko Jaurlaritzako Ekonomiaren Garapen eta Azpiegitura Sailak, 2030eko Euskadiko Energia Estrategian (3E-2030) nabarmentzen denez, Eusko Jaurlaritzaren energia politikaren helburuekin bat etorritik, behar den bultzada publikoaren bidez, honako misio hau gauzatzen laguntzen du: energiaren kontsumoan eraginkortasuna areagotzen, energia sistema lehiakorrago, seguruago eta iraunkorrago lortzen, ingurumen eragina edo inpaktua gutxitzen, kontsumitzeko energia gutxiago erabiltzen eta kanpoko baliabideen mendekotasuna murrizten.

Beraz, Euskal Autonomia Erkidegoko (aurrerantzean "EAE") udal instalazio eta eraikin publikoetan energiaren aurrezpena, eraginkortasuna eta energia berriztagarrien erabilera, bereziki eguzki energia instalazio termikoen bidez, sustatzeko jarduerak diruz laguntzea da programa honen helburu nagusia, eta hartara, argitaratzen da Toki herri administrazioaren alorrean energia eraginkortasunaren eta eguzki termikoaren aldeko inbertsioak sustatzeko laguntza programa hau (aurrerantzean "laguntza programa").

Laguntzen programa honi esleitutako diru-saila edo aurrekontua **milioi bat eta bostehun mila (1.500.000 €) eurokoa** da; betiere, horretarako Energiaren Euskal Erakundearen (aurrerantzean "EEE") aurrekontuetan ezarritako kredituaren arabera

1.2. Dirulaguntza orokorrean diharduen azaroaren 17ko 38/2003 Legearen 8.1 artikularen arabera (aurrerantzean "LGS"), 2020ko urtarrilaren 3an egindako bileran, Energiaren Euskal Erakundearen (aurrerantzean "EEE") Zuzendaritza Kontseiluak erabaki zuen, besteak beste, 2020ko EEEn Dirulaguntzen Plan Estrategikoa onartzea.

1.3. Laguntza programa honen barruan ematen diren diru laguntzak itzuli beharrik gabeko diru laguntzak dira. Diru laguntzen programaren deialdi honek badu aurrekontu-kreditu nahikoa EEEn aurrekontuetan, 2020ko ekitaldirako.

1.4. Laguntza programa hau eta bere aplikazioaren ondorioz ematen diren diru laguntzak bateragarriak dira barne-merkatuarekin, Europar Batasuneko Funtzionamendu Itunaren 107. artikularen 3. atalean xedatzen denari jarraiki, Itun horren 108. artikuluan adierazten den batzordeari jakinarazi beharretik salbuetsita egonik.

Estatuaren diru laguntza politiken oinarriko lanabesa da Salbuespen edo Exentzio Erregelamendua, Europar Batzordeak barne-merkatuarekin bateragarriak diren ustezko diru laguntzak identifikatzen dituen neurrian, alde aurretik baimena eman beharrik gabe. Era horretan, ustezko diru laguntza horien legezketasuna soil-soilik Erregelamenduaren eskakizun materialak betetzearen eta izapide edo tramite formal batzuk aurrera eramatearen menpe dago. Salbuespen edo Exentzio Erregelamendua, 2014ko uztailaren 1etik aurrera indarrean dagoenak, jakinarazpen salbuespena xedatzen du hamahiru diru laguntza kategoriarako; gainera, horietako bakoitza baimendutako erregimen kopuru handi batean azpizaitu edo banatzen da. Salbuespen edo Exentzio Erregelamendua eskualde edo erkidego mailako helburua duten diru laguntzak babesten ditu, enpresa txiki eta ertainei (ETE)

laguntzak, ETEak finantzaketara iristeko laguntzak, ikerkuntza, garapen eta berrikuntzaren aldeko laguntzak.

Laguntza programa honetan aurreikusten diren diru laguntzak, izaera orokorrarekin, Batzordearen 2014ko ekainaren 26ko UE 651/2014 Araudiaren barruan daude (aurrerantzean **651/2014 Erregelamendua**), zenbait diru laguntza mota barne-merkatuarekin bateragarriak jotzen dituen, Itunaren (DOUE 2014 L 187) 107. eta 108. artikuluen aplikazioaren ondorioz, eta bereziki, jarraian aipatzen diren artikuluen arabera:

38. artikulua: "Energia eraginkortasuna sustatzeko neurrien aldeko inbertsioei diru laguntzak".

40. artikulua: "Eraginkortasun handiko baterako sorkuntza sustatzeko inbertsioei diru laguntzak".

41. artikulua: "Iturri berriztagarrietatik datozen energiak bultzatzeko inbertsioei diru laguntzak".

46. artikulua: "Energia aldetik eraginkorrak diren berokuntza eta hozte sistemak bultzatzeko inbertsioei diru laguntzak" (district heating-cooling).

- 1.5. Laguntza programa honen arabera, 651/2014 Erregelamenduaren I. eranskinaren 1. eta 2. artikuluetan xedatzen denez, enpresatzat haxe hartuko da:

"Jarduera ekonomiko bat gauzatzen duen edozein entitate enpresa kontsideratuko da, bere forma juridikoa edozein izanda ere (merkatu jakin batean ondasunak eta zerbitzuak emateko edozein jarduera dela ulertuta). Bereziki, enpresatzat hartuko dira, gizabanako edo familia bezala, eskuz egindako edo beste edozein jarduera gauzatzen duten entitateak; erregulariki jarduera ekonomiko bat gauzatzen duten pertsonen elkarteak eta asoziazioak ere enpresatzat hartuko dira."

Enpresa txiki-txikien, txikien eta ertainen kategoriaren (ETE) barruan izateko, enpresek honako baldintza hauek bete behar dituzte: 250 langile baino gutxiago izatea eta urteko negozio bolumena 50 milioi eurotik gora ez izatea, edo urteko balantze orokorra 43 milioi eurotik gora ez izatea.

ETE kategorien arabera honako ezaugarriak dituen enpresa hartzen da enpresa txikitzat: 50 langile baino gutxiago izatea eta urteko negozio bolumena edo urteko balantze orokorra 10 milioi eurotik gora ez izatea.

- 1.6. Laguntza programa honen arabera, 651/2014 Erregelamenduaren I. eranskinaren 3. artikuluan xedatzen denez, haxe hartuko da kontuan:

1. «Enpresa autonomo» bat da, baldin eta ezin bada enpresa elkartutzat hartu, 2. atalaren arabera, ezta lotutako enpresatzat ere, 3. atalaren arabera.

2. «Enpresa elkartuak» dira lotutako enpresatzat jo ezin diren enpresa guztiak, 3. atalaren arabera, eta horien artean honako erlazio hau dago: enpresa bakar batek (partaidetzako enpresa) dauka bera bakarrik, edo lotutako enpresa batekin edo gehiagorekin, 3. atalaren arabera, beste enpresa baten (partaidetzako enpresa) kapitalaren edo boto eskubidearen % 25 edo gehiago.

Aurrekoa gorabehera, enpresa batek autonomoaren kalifikazioa izan dezake, enpresa elkarturik gabe, gehieneko muga den % 25 izan edo gainditzen bada ere, baldin eta jarraian aipatzen diren inbertsio kategoriak badira, eta horien artean, banaka edo batera, eta aipatutako enpresaren artean, 3. atalean azaltzen diren erlazioak edo loturak ez badaude.

a) Partaidetzako sozietate publikoak, arrisku kapitalen sozietateak, pertsona fisikoak, edo arrisku kapitalean (inbertsiogile probidentzialak edo business angels delakoa) inbertsioei lotutako jardueraren bat egiten duten pertsona fisikoen taldeak eta burtsan kotizatzen ez duten enpresetan funts propioak inbertitzen dituztenak; beti ere, aipatutako inbertsiogile probidentzialen inbertsioa enpresa berean 1.250.000 euro baino txikiagoa bada.

b) Irabazi asmorik gabeko unibertsitateak edo ikerketa zentroak.

c) Inbertsiogile instituzionalak, eskualde edo erkidegoen garapenerako funtsak barne.

d) Urtean 10 milioi euroko aurrekontua baino txikiagoa eta 5.000 biztanletik behera duten toki agintari autonomoak.

3. «Lotutako enpresak» izango dira, baldin eta haien artean honako erlazioen bat izaten bada:

- a) Enpresa batek beste enpresa baten akziodunen edo bazkideen boto eskubideen gehiengoa badu.
- b) Enpresa batek beste enpresa baten administrazio, zuzendaritza edo kontrol organoko kide gehienak izendatzeko edo kentzeko eskubidea badu.
- c) Enpresa batek beste enpresa batean eragin nagusia edo menderatzailea ezartzeko eskubidea badu, harekin sinatutako kontratu baten ondorioz, edo bigarren enpresaren estatutu-klausularen batek eraginda.
- d) Enpresa batek, beste enpresa baten akzioduna edo elkartua, bigarren enpresaren akziodun edo bazkideekin izenpetutako akordio baten bidez, haren akziodunen edo bazkideen boto eskubideen gehiengoa kontrolatzen badu bakarrik.

Eragin nagusirik ez dagoela pentsatuko da, baldin eta 2. ataleko bigarren paragrafoan aipatzen diren inbertsiogileek enpresaren kudeaketan inplikazio zuzenik edo zeharkakorik ez badute, akziodunak diren aldetik, dagozkien eskubideei uko egin gabe.

Enpresek lehen paragrafoan aipatzen diren erlazioetako bat izanez gero, beste enpresa baten edo batzuen bitartez, edo 2. atalean azaltzen diren inbertsiogileekin, lotutako enpresatzat ere hartuko dira.

Era berean, lotutako enpresatzat joko dira, baldin eta aipatutako erlazioen bat badute pertsona fisiko baten bidez edo elkar hartutako pertsona fisikoen talde baten bitartez, eta enpresa horien jarduna edo zati bat erreferentzia-merkatu berean edo antzeko merkatuetan gauzatzen bada.

«Antzeko merkatu»tzat hauxe hartuko da: beste merkatu baten aurreko edo atzeko posizioan dagoen produktu edo zerbitzu baten merkatua.

4. 2. ataleko bigarren paragrafoan aipatzen diren kasuak izan ezik, enpresa bat ez da ETETzat joko, baldin eta haren kapitalaren edo boto eskubidearen % 25 edo gehiago, zuzenean edo zeharka, banaka edo batera, erakunde publiko baten edo gehiagoren kontrolpean badaude.

5. Enpresek beren kalifikazioaren inguruko deklarazio bat egiteko aukera izango dute, autonomia, elkartua edo lotutako enpresa den adieraziz; baita 2. artikuluan deskribatzen diren mugei lotutako datuez ere. Kapitalaren banaketa dela eta, zehaztasun handiz ez badago jakiterik noren esku dagoen, deklarazio hori egin dezakete. Horrela bada, fede onez edo onustez egingo du deklarazioa enpresak, presuntzio legitimoz, haren kapitalaren % 25 edo gehiago ez dela beste enpresa baten jabetzakoa, edo haien artean lotutako enpresekin batera daukala. Nolanahi ere, deklarazio horiek ez dute salbuesten Estatu edo Europa mailako araudiek ezartzen dituzten kontrolak eta egiaztapenak egitetik.

1.7. Era berean, diru laguntza jasoko duten 651/2014 Erregelamenduaren barruko proiektuek erakutsi beharko dute laguntza programa honek ondorio sustatzaile edo pizgarria duela (651/2014 Erregelamenduaren 6.2 artikulua). Ondorio horietarako, diru laguntzek ondorio sustatzailetzat hartzeko, kontuan hartu beharko dira baldintza hauek:

- Laguntza programa honi lotutako proiektua edo jarduera hasi aurretik, onuradunak diru laguntza eskaera aurkeztu badu, eta eskaera horrek, gutxienez, 651/2014 Erregelamenduaren 6.2 artikuluan xedatutako informazioa badu.

Beraz, diru laguntza eskaera egin aurretik hasitako proiektuen edo lanen eskabideak ez dira onartuko, eta proiektuen edo lanen hasieratzat joko da 651/2014 Erregelamenduaren 2.(23) artikularen definizioa.

1.8. Diru Laguntza Programa honetan aurreikusten diren laguntzak Eskualde Garapenerako Europako Funtzak kofinantziatzen ditu (diruz lagunduko den zenbatekoaren %50 izango da FEDERen diru ekarpena). Beraz, laguntzek 2013ko abenduaren 17ko Europar Parlamentuaren eta Kontseiluaren (UE) 1303/2013 Z. Erregelamenduan ezarritakoa bete beharko dute.

2. Onuradunak

2.1. Laguntza programa honek arautzen dituen diru laguntzen onuradunak hauexek izan daitezke:

- a. Diru laguntzen onuradunak hauexek izan daitezke: EAEko udalak, udal mankomunitateak, kuadrillak eta administrazio batzarrak, baldin eta diru laguntza programa honetako 4. eta 5. oinarri edo ataletan aurreikusten diren jarduerak aurrera eramaten badituzte Euskal Autonomia Erkidegoan.
- b. Energia Zerbitzu Enpresa (aurrerantzean "ESE") moduan diharduen edozein pertsona juridiko, baldin eta diru laguntza programa honetako 4. eta 5. oinarri edo ataletan aurreikusten diren jarduerak aurrera eramaten badituzte EAEn, 2.1 atal honetan adierazten diren onuradun potentzialen kontura eskusiboki.

Energia zerbitzuen eskaintzan, dagozkien administrazio agiritan edo pleguetan eta ESEren eta bezeroaren artean sinatuko den kontratuan adierazi beharko da, hala badagokio, ESEri ematen zaion diru laguntza erabat erreperkutitu behar zaiola bezeroari, kontratua sinatzen den bezeroari, hain zuzen ere, energia zerbitzuaren prezioa murriztu, kontratuaren indarraldiaren aldaketak eginez, edo aldez aurretik erabaki daitezkeen beste bide batzuk erabiliz. Nolanahi ere, behar besteko informazioa aurkeztu beharko da erabiltzen den modua egiaztatze aldera.

Laguntza programa honen arabera, ESEtzat hauxe hartuko da:

"Erabiltzaile baten instalazioetan energia zerbitzuak ematen dituen pertsona juridikoa, eta hori egitean arrisku ekonomikoren bat bere gain hartzen duena; betiere, emandako zerbitzuen ordainketa, aldez edo osoa, energiaren aurrezpenaren lorpenean oinarritzen bada, energia eraginkortasuna hobetzeko edota energia berriztagarrien erabilera sustatzeko neurrien bitartez".

2.2. LGSen 13. artikuluan xedatzen diren eskakizunen arabera eta Euskal Autonomia Erkidegoko Ogasun Orokorraren Antolamendu Printzipioen Legearen Testu Bategina onartzen duen azaroaren 11ko 1/1997 Dekretu Legegilearen (aurrerantzean "1/1997 Dekretu Legegilea") 50. artikuluan xedatutakoarekin bat etorriz, honako pertsona edo entitate hauek izan daitezke onuradunak: diru laguntza emateko eskatzen diren egoeran daudenak, edo oinarri hauetan eta deialdian aurreikusten diren baldintzak betetzen dituztenak.

Pertsonak edo erakundeak, onuraduna izateari begira, debekurik ez dutela justifikatzeko honako era honetan egin daiteke: LGSen 13.7 artikuluan eta 1/1997 Dekretu Legegilearen 50.6 artikuluan aurreikusten diren prozeduren bitartez.

2.3. Pertsona onuraduntzat jotzeko ezinbesteko baldintza izango da, diru laguntza eman aurretik zein diru laguntza eman gero egoera edo baldintza horretan jarraitu ahal izateko, zergen eta gizarte segurantzaren inguruko betebeharrak edo ordainketak eguneratuak edukitzea, eta hala badagokio, diru laguntzak itzuli behar izateagatik betebeharren ordainketak ere.

2.4. Honako hauek ezin izango dira onuradunak izan:

- a) 1/1997 Dekretu Legegilearen 50.5 artikuluan eta LGSen 13.2 artikuluan adierazten diren egoeraren batean dauden eskatzaileak, baita zigortuta daudenak, administratibo edo penalki, diru laguntza edo laguntza publikoak lortzeko aukera galarazita dutenak, edo debekuren bat indarrean dutenak eta horretarako gaitasunik gabe uzten dietenak ere.
- b) Eusko Legebiltzarrak onartu zuen Herrialde Pobretuekiko Justizia eta Elkartasunerako Gutuna, abenduaren 28ko 14/2007 Legea betez, enpresaren helburu sozialen edo jarduketan artean, osorik edo aldez, armen ekoizpen merkaturatze eta finantzaketa bada.
- c) 651/2014 Erregelamenduaren 1. artikuluan 4a) eta 4c) ataletan xedatzen denari jarraiki:
 - Berreskuratzeko agindu baten zain dauden enpresak, aldez aurretik Batzordeak emandako erabakiaren ondoren, diru laguntza barne-merkatuarekin legez kanpokoa edo bateraezina adierazten duena.
 - Krisian dauden enpresak, 651/2014 Erregelamenduaren 2. artikuluan 18. atalaren arabera.

2.5. Diru laguntza programa honetako 4. eta 5. oinarrietan aurreikusten diren jarduerak, 2.1 ataleko a) epigrafean azaltzen diren onuradunek egingo dituztenak, Eskualde Garapenerako Europako Funtsak (FEDER) kofinantziatuko ditu.

3. Aurrekontuaren zenbatekoa eta eskabideak aurkezteko epea

Laguntza programa honi esleitutako diru-saila edo aurrekontua **milioi bat eta bostehun mila (1.500.000 €) eurokoa** da, EEE Energiaren Euskal Erakundearen aurrekontuetan horretarako ezarri den kredituaren arabera.

Euskal Herriko Agintaritzak Aldizkarian (aurrerantzean "EHAA") oinarri hauek argitaratzen diren egunaren biharamuneko 08:00etan hasiko da eskabideak aurkezteko epea laguntza programa honen kontura, eta laguntza programari esleitutako diru-saila agortzen denean amaituko da.

Nolanahi ere, aipatutako aurrekontua agortu zein ez agortu, 2020ko urriaren 31n izango da azken eguna diru laguntza eskabideak aurkezteko.

Epeak zenbatzeari begira, urriaren 1eko 39/2015 Legearen 30. artikuluan xedatutakoa beteko da, Herri Administrazioen Araubide Juridikoa eta Administrazio Prozedura Erkideaz diharduena (aurrerantzean **39/2015 Legea**).

Aurrekontuaren bukaeraren edo agortzearen berri emango da EHAAn nahiz Interneteko EEEren helbide honetan: <http://www.eve.eus>.

Laguntza programa honen arabera, diru laguntza eskabide osoak aurkeztuta eta bideratzen egongo diren arren, bazter egingo dira, baldin eta esleitutako aurrekontua amaitzen bada, EEEko zuzendari nagusiak emango duen ebazpenaren bidez, bukatu aurretik aurrekontua handitzea erabaki ezean, eta azken kasu hau gertatuz gero, bideratzen edo tramitatzen jarraituko da.

Eskualde Garapenerako Europako Funtsak (FEDER) diruz laguntzen du programa honen finantzaketan.

4. Diruz lagunduko diren jarduerak energia eraginkortasunaren alorrean eta laguntzen zenbatekoa

Laguntza programa honen kontura diruz lagunduko diren energia eraginkortasunaren alorreko jarduerak Oinarri hauetako 4. atalean zehaztutakoak izango dira, Euskal Autonomia Erkidegoan eta data hauen artean gauzatu eta fakturatu beharko dira: 2020ko urtarrilaren 1etik 2020ko abenduaren 31ra.

ESEn kasuan, oinarri hauetako 4. atalean zehazten diren jarduerak lagunduko dira diruz; onuradunek egingo dituzten jarduera horiek honako data hauen artean gauzatu eta fakturatu beharko dira: laguntzen programa honetaz baliatzeko eskabidea aurkezteko den egunaz geroztik 2020ko abenduaren 31ra (651/2014 Erregelamendua).

Laguntza programa honen arabera, programa honek ematen dituen diru laguntzez ezin izango dira baliatu energia eraginkortasunaren alorreko jarduerak, baldin eta energia kontsumoaren murrizketa nabarmena kuantitatiboki frogatzerik ez badute.

Programa honen kontura diruz lagundu daitezkeen energia eraginkortasunaren alorreko jarduerak hauek dira:

a. **Energia kudeaketarako sistema integralen ezarpena (SIGE)**, haren kudeaketaren irismenak ekoizpenari dagokion jarduera, klimatizazioa eta argiztapena barne hartu behar ditu, energia eraginkortasun handiko estandarrek lortzeko etengabeko hobekuntza ekarri.

SIGEak energia kudeatzeko digitalizazioaz baliatu beharko dira honako kasuetan: sortzeko, metatzeko eta/edo energia kontsumitzeko instalazioetan, baita behar diren ekipoak eta aplikazio informatikoak energia datuak kudeatu, monitarizatu eta bildu ahal izateko, eta, era berean, modu automatikoan energia eskaeraren kudeaketa hobetzeko neurriak hartzeko, energia, ekonomia eta/edo iraunkortasunaren aldeko irizpideak aintzat hartuta. Datuak biltzeko zerbitzariak ez dira kostu lagungarritzat hartuko.

Atal honetan aipatutako jarduerak kostu lagungarriaren %30eko diru laguntza izango dute.

b. Kanpoko argiteria publikoa

Atal edo neurri honen barruan sartuko diren jarduerak kanpoko argiteria publikoan energia elektrikoaren kontsumoa gutxitzea ekarri beharko du, A klaseko energia-kalifikazioa izan behar dutena. Horrekin batera, energia eraginkortasunaz diharduen azaroaren 14ko 1890/2008 Errege Dekretuak eta bere jarraibide tekniko osagarriek, EA-01 ataletik EA-07 atalera, kanpoko argiteria publikoaz xedatutakoa bete egingo dute (aurrerantzean **1890/2008 E.D.**).

Atal honetan aipatutako jarduerak kostu lagungarriaren %20ko diru laguntza izango dute.

c. Energia eraginkortasuna dauden eraikinetan

Laguntza programa honen arabera, atal edo neurri honen barruan sartuko diren jarduerak egungo eraikinetan energia elektrikoaren edota erregaien kontsumoa gutxitzea ekarri beharko dute, eta hobekuntza egin ondoren, **eraikinaren energia eraginkortasunaren ziurtagiria erregistratuta** eduki beharko dute, 2013ko apirilaren 13ko 235/2013 Errege Dekretuaren arabera (aurrerantzean "**235/2013 E.D.**"), eraikinak energia eraginkortasuna ziurtatzeko oinarritzko prozedura onartzen duena.

Zehazki, neurri honen barruan diruz lagunduko diren instalazio motak honako hauek dira:

c.1 Klimatizazioa edota ur bero sanitarioa (a.c.s.) ekoizteko instalazioak

Energia eraginkortasun handiko instalazio berriak, berokuntza, hozte edota ur bero sanitarioa (a.c.s.) ekoizteko instalazioetan energia elektrikoa edota erregai konbentzionalen kontsumoa duten instalazioak ordezkatzeari begira.

Atal honetan aipatutako jarduerak kostu lagungarriaren %20ko diru laguntza izango dute.

c.2 Baterako sorkuntza instalazioak

Energia eraginkortasun handiko baterako sorkuntza instalazio berriak, energia elektrikoa eta termikoa modu konbinatuan ekoizteko xedez.

Atal honetan aipatutako jarduerak kostu lagungarriaren %20ko diru laguntza izango dute.

c.3 Barneko argiztapen instalazioak

Barneko argi-instalazioen berritzea, eta haien ordez eraginkortasun handiko teknologiak erabiltzen dituztenak jartzeko; egiaztatuz energia kontsumoan murrizketa nabarmena ekarri beharra dutela, eta, beraz, hobekuntza esanguratsua ere ingurumen aldetik.

Atal honetan aipatutako jarduerak kostu lagungarriaren %20ko diru laguntza izango dute.

Gainera, **UEP (Udal Energia Plan)** edo **PACES (Klimaren eta Energia Iraunkorraren aldeko Ekintza Plan)** baten barruan sartuta dauden jarduerak dirulaguntza gehigarri jaso dezakete; zehazki, kostu lagungarriaren %5.

Eskualde Garapenerako Europako Funtsak (FEDER) kofinantziatuko dituen gastuek bete beharko dute abenduaren 29ko HFP/1979/2016 Aginduak xedatutakoa, zeinaren bidez, 2014-2020 aldirako, Eskualde Garapenerako Europako Funtsaren programa operatiboetan diruz lagunduko diren gastuen inguruko arauak onartzen diren.

5. Diruz lagunduko diren eguzki termikoaren jarduerak eta laguntzen zenbatekoa

Laguntza programa honen kontura diruz lagunduko diren eguzki termikoaren alorreko jarduerak Oinarri hauetako 5. atalean zehazten dira. Jarduera horiek Euskal Autonomia Erkidegoan egin beharko dituzte eskatzaileek dira eta honako data hauen artean gauzatu eta fakturatu beharko dira: 2020ko urtarrilaren 1etik 2020ko abenduaren 31ra.

ESEen kasuan, oinarri hauetako 5. atalean zehazten diren jarduerak lagunduko dira diruz; onuradunek egingo dituzten jarduera horiek honako data hauen artean gauzatu eta fakturatu

beharko dira: laguntzen programa honetaz baliatzeko eskabidea aurkeztzen den egunaz geroztik 2020ko abenduaren 31ra (651/2014 Erregelamenduaren 2. artikulua (23)).

Laguntzen programa honen kontura diruz lagunduko diren jarduerak hauexek baino ez dira izango:

- **Temperatura baxuko eguzki-instalazio termikoak**, CPC edo huts-hodidun kolektore zapalak dituztenak, a.c.s. ekoizteko, ur beroa klimatizatu eta berotzeko industria-prozesuetan. Ez da mugarik jartzen instalatu beharreko azalerari dagokionez.

Egungo eraikinen kasuan, honako baldintza hauek guztiak hartu beharko dira kontuan:

- ✓ Ez da era integralean erreformatu instalazio termikoa; edo,
- ✓ Era integralean erreformatu da instalazio termikoa; hala ere, estaltzen den ehunekoa arauak eskatzen duen gutxienekotik gaineratik dago (%30).

Eraikuntza berriko eraikinen kasuan, berriz, honako baldintza hau hartu beharko da kontuan:

- ✓ Estaltzen den ehunekoa arauak eskatzen duen gutxienekotik gaineratik dago (%30).

Ezin izango dira baliatu Laguntza programa honetaz eguzki-energia termikoen instalazioak, baldin eta haien gauzatzea Eraikuntza Kode Teknikoak -1. atala. HE4 Dokumentuaren Aplikazio Esparrua- (aurrerantzean "CTE") ezarri badu, energia aurrezteari begirako oinarritzko eskakizunak betetzeko, edo eraikuntzari lotutako gainerako kalitate-helburuak betetzeko. **Diruz lagunduko dira, berriz, CTEk ezarritakoaren gaineratik handitzen diren instalazioak.**

Atal honetan aipatutako jardueren diru laguntzen zenbatekoa kostu lagungarriaren %30 izango da. Gainera, **UEP (Udal Energia Plan)** edo **PACES (Klimaren eta Energia Iraunkorraren aldeko Ekintza Plan)** baten barruan sartuta dauden jarduerak, dirulaguntza gehigarri jaso dezakete; zehazki, kostu lagungarriaren %5.

Jarraian, programa honek ematen dituen diru laguntzak eskuratzeko, **temperatura baxuko eguzki-instalazio termikoak** bete beharreko baldintza tekniko bereziak deskribatzen dira. Horrekin batera, erreferentzia kostuak eta horien aldean diru laguntzen mugak ere azaltzen dira.

Aplikazio eremua

- Ez da muga ezartzen instalaturako azalerari (edo instalaturako potentziari) dagokionez.
- Aurreikusitako eguzki-instalazio termikoak elementuko sistemak dira, eguzki-erradioaren bidez fluidoren bat berotzeko, erabiliko diren eguzki-kolektoreen galera-koefiziente globala $9 \text{ W}/(\text{m}^2 \text{ } ^\circ\text{C})$ baino txikiagoa izango da.

Erreferentzia kostua eta diru laguntzaren ehunekoa, erreferentzia kostuaren aldean

Erreferentzia kostuak, instalaturako potentzia-unitateko, edo hartzeko eremu-unitateko, inbertsio handiena izango dena, eta diru laguntzaren ehunekoa, erreferentzia kostuaren aldean, hauexek izango dira:

Erreferentzia kostua €/kW (*) (€/m ²)		Diru laguntza / Erreferentzia kostua (%)
14 kW-eraino (20 m ²)	1.160 €/kW (812 €/m ²)	%30
14 kW-etik gora (20 m ²)	1.015 €/kW (710,5 €/m ²)	

(*) Laguntza programa honen ondorioetarako, hartzeko azalera edo eremu erabilgarria $0,7 \text{ kW}/\text{m}^2$ erlazioa da.

Alde horretatik, Eraikinetan Instalazio Termikoen Araudiak (RITE 1027/2007) ezartzen dituen mugapen eta murrizketen ondorioz, IT 1.2.4.6.3. Agindu Teknikoan adierazten denez, aire zabaleko igerilekuen beroketa bero berriztagarriaz edo hondarrekoaz egin beharraz diharduena, eskari potentzia, proiektuaren arabera, kanpoko igerilekuen bero premiak asetzeko, ez da kontuan hartuko diru laguntza kalkulatzeari begira. Beraz, kalkulaturako bero eskariaren gehieneko potentzia adierazi beharko da kontuan hartu gabe kanpoko igerilekuetara zuzentzen den potentziaren ekarpena.

Los gastos cofinanciados por el Fondo Europeo de Desarrollo Regional (FEDER), deben cumplir con lo establecido en la Orden HFP/1979/2016, de 29 de diciembre, por la que se aprueban las normas sobre los gastos subvencionables de los programas operativos del Fondo Europeo de Desarrollo Regional para el período 2014-2020.

6. Kostu lagungarria

6.1 Kostu lagungarriaren mugak

1. Eskatzailea enpresatzat hartzeko ez den kasuan

Kostu lagungarritzat hauxe hartuko da: egin behar den inbertsioaren kostua, aurreikusitako energia helburuak lortzeko ezinbestekoa dena.

2. Eskatzailea enpresatzat hartzeko den kasuan

- 4. oinarriko c.1) atalean aurreikusten diren diru laguntzei dagokienez:

(i) Energia eraginkortasun maila handiagoa lortzeko behar diren inbertsio-kostu gehigarriak lagunduko dira diruz. Era honetan kalkulatuko dira:

- Energia eraginkortasunean inbertsio-kostuak inbertsio bereizi gisa identifikatu ahal direnean guztizko inbertsio-kostuetan, energia eraginkortasunari lotutako kostu horiek diruz lagunduko dira.
- Gainerako kasu guztietan, energia eraginkortasunean inbertsio-kostuak antzeko inbertsio baten erreferentzia hartuta identifikatu ahal direnean, energia eraginkortasun txikiagoa dakarrena, modu sinesgarrian diru laguntzarik gabe egin zitekeena (aurrerantzean "inbertsio konbentzionala"), bi inbertsio horien arteko kostuen aldeak zehaztuko du energia eraginkortasunari lotutako kostua, eta diruz lagunduko den kostua edo kostu lagungarria izango da.

Energia eraginkortasun maila areagotzeari zuzenki lotuta ez dauden kostuak ez dira diruz lagunduko.

(ii) Nolanahi ere, energia aldetik eraginkorrak diren berokuntza eta hozte hiri-sistemak (district heating-cooling) egitea aurreikusten diren jardueren kasuan, diruz lagunduko diren inbertsio kostuak era honetan kalkulatuko dira:

- Ekoizpen instalazioaren kasuan, sorkuntza unitate baten edo batzuen eraiki, handitu edo berritzeko behar diren kostu gehigarriak lagunduko dira diruz, energia aldetik eraginkortasunez funtzionatzen dutenak, ekoizpen-instalazio konbentzional batekin konparatuta.
- Banaketa sareari dagokionez, inbertsio-kostuak izango dira kostu lagungarriak.

- 4. oinarriko b) eta c.3) ataletan aurreikusten diren diru laguntzei dagokienez, energia eraginkortasun maila handiagoa lortzeko behar diren inbertsio-kostu gehigarriak lagunduko dira diruz. Era honetan kalkulatuko dira:

- Energia eraginkortasunean inbertsio-kostuak inbertsio bereizi gisa identifikatu ahal direnean guztizko inbertsio-kostuetan, energia eraginkortasunari lotutako kostu horiek diruz lagunduko dira.
- Gainerako kasu guztietan, energia eraginkortasunean inbertsio-kostuak antzeko inbertsio baten erreferentzia hartuta identifikatu ahal direnean, energia eraginkortasun txikiagoa dakarrena, modu sinesgarrian diru laguntzarik gabe egin zitekeena (inbertsio konbentzionala), bi inbertsio horien arteko kostuen aldeak zehaztuko du energia eraginkortasunari lotutako kostua, eta diruz lagunduko den kostua edo kostu lagungarria izango da.

Energia eraginkortasun maila areagotzeari zuzenki lotuta ez dauden kostuak ez dira diruz lagunduko.

- **4. oinarriko c.2) atalean** aurreikusten diren diru laguntzei dagokienez, baterako sorkuntza instalazioak eraginkortasun handiko instalazio moduan funtzionatzeko behar diren ekipoetan egingo diren inbertsio-kostu gehigarriak lagunduko dira diruz, ahalmen bera duten elektrizitate edo berokuntza instalazio konbentzionalekin konparatuta, edo eraginkortasuna hobetzeko inbertsio-kostu gehigarriak, egungo instalazioak eraginkortasun handiko atalasea betetzen duenean.

- **4. oinarriko a) atalean** aurreikusten diren jardueren diru laguntzei dagokienez, energia kudeatzeko sistemen kostuak izango dira kostu lagungarriak.

Nolanahi ere, energia kudeatzeko sistemetan garatuko den lanaren irismena hartuko da kontuan: eskatzailearen kontsumitzaile-profila, kontsumitutako energiak, egin beharreko monitorizazioak, garatzeko energia balantzeak eta konplexutasuna, baterako sorkuntza-instalazioen bideragarritasunaren azterketa ala ez, etab.

- Nolanahi ere, energia eraginkortasunaren alorrean, honako aspektu edo kontsiderazio hauek hartu beharko dira kontuan:

- Gaininbertsioa "energia eraginkortasun handia" duen energia instalazio edo sistema jartzeko proiektuari dagokio, energia instalazio edo sistema konbentzionalaren ezaugarriak izan lituzkeen proiektuekin konparatuta.
- Ekoizpen ahalmena edo ahalmen ekonomikoa areagotzearen ondorioz lor litezkeen abantailak kontuan hartu gabe kalkulatu dira energia aurrezkiak.

- **5. oinarriko** aurreikusten diren diru laguntzei dagokienez, laguntza programa honen arabera, energia iturri berriztagarrietatik datorren energiaren ekoizpena sustatzeko behar diren inbertsio-kostu gehigarriak izango dira kostu lagungarriak. Kostu horiek era honetan kalkulatu dira:

- Energia iturri berriztagarrietatik datorren energiaren ekoizpenean egindako inbertsio-kostuak inbertsio bereizi gisa identifikatu ahal direnean guztizko inbertsio-kostuetan, adibidez, erraz identifika daitezkeen osagai erantsiren bat egungo instalazio batean jartzeko, energia iturri berriztagarrietatik datorren energiari lotutako kostu horiek diruz lagunduko dira laguntza programa honen arabera.
- Energia iturri berriztagarrietatik datorren energiaren ekoizpenean egindako inbertsio-kostuak antzeko inbertsio baten erreferentzia hartuta identifikatu ahal direnean, ingurumena gutxiago errespetatzen badu ere, modu sinesgarrian diru laguntzarik gabe egin zitekeena (inbertsio konbentzionala), bi inbertsio horien arteko kostuen aldeak zehaztuko du energia iturri berriztagarrietatik datorren energiari lotutako kostua, eta diruz lagunduko den kostua edo kostu lagungarria izango da.
- Tamaina txikiko zenbait instalazioen kasuan, ingurumena gutxiago errespetatzen duen inbertsioa zehazteko modurik ez badago, tamaina mugatua duten instalazio ezagatik, ingurumen babes maila handiagoa lortzeko egindako inbertsioaren guztizko kostuak izango dira kostu lagungarriak.

Nolanahi ere, energia iturri berriztagarrien bidezko energia ekoizpen maila areagotzeari zuzenki lotuta ez dauden kostuak ez dira diruz lagunduko.

3.- Beste aspektu batzuk

- Oinarri hauen arabera, energia eraginkortasun zein eguzki termikoaren inbertsioei dagokienez, laguntza programa honetako 4. eta 5. oinarrietakoak, hurrenez hurren, material eta esku lanari lotutako sail ekonomiko guztiak diruz lagunduko den energia instalazioari esleitu edo egotzi beharko zaizkio zuzenki.
- Nolanahi ere, energia eraginkortasunaren alorrean, eta **4. oinarriko b) eta c) ataletan** azaltzen diren jardueri begira soilik, honako argibide hauek hartu beharko dira kontuan:
 - Laguntza programa honen arabera, gehieneko kostu lagungarria izango da lehen **hamar (10) urtean** lortuko den aurrezkiari esker amortizatuko dena.

- Era berean, jarduerari emango zaion diru laguntzaren gehieneko muga **1.000 €/ (tepEP/urteko)** izango da (urtean aurreztutako tona petrolio baliokideko diru laguntzaren gehieneko ratioa, energia primarioaren unitateetan adierazita).
- Proposatzen den energia sistema berriari zuzenki lotuta eta parte hartuko duten ESEko langileen euren eskulanaren kostu lagungarria, gehienez ere, proiektuaren kostu lagungarriaren %30 izango da.
- Kostu lagungarriak zerga-kenkariak edo beste zerga batzuk kontuan hartuta adieraziko dira.

6.2 Kostu lagungarriaren barruan sartuko ez diren jarduerak

- Larrialdiei edo segurtasunari lotutako argiztapen-instalazioak hobetzeari begirako inbertsioak.
- Eraikinen eta pabilioien ingurutzailerako termikoari lotutako elementuren baten gaineko jarduerak.
- Fakturatutako ondasunak edo zerbitzuak eskuratzeko ordaindu den BEZa, eta, oro har, zergak.
- Inbertsioaren ondorioz eragindako finantza-gastuak eta pertsonal propioari dagozkionak; baita lurra erosteko gastuak ere.
- Ekipo erabiliak eskuratzeko inbertsioak.
- Honako hauek erosteko inbertsioak: makineria autopropulsatua, ibilgailuak, bizikletak eta, oro har, salgaiak eta bidaiariak garraiatzeko garraio bideak.
- Instalazioak eta ekipoak berritzeko jarduerak, erabilera edo jardunaren aldaketaren ondorioz bada ekintza edo jarduera.
- Instalazioak eta ekipoak mantentzeko, egokitzeko eta konpontzeko inbertsioak.
- Kondentsadore-bateriak edo energia erreaktiboaren gailu berdintzaileak.
- Buruko gailu edo sistema trinko "aurreztailea" instalazio elektrikoetan, lor ditzakeen aurrezki elektrikoak egiaztzeko eragile baten ziurtapenik ez badu ekipoak, edo eragindako instalazioan aurrezki elektrikoak eragile akreditatu batek ematen duen ziurtapen baten bitartez bermatzen ez badu.
- Zerbitzariak, inprimagailuak eta, oro har, ekipo ofimatiko guztiak.
- Merkatu azterketak, bideragarritasun azterketak edo azterlanak.
- Jarraipen, aurrerapen eta koordinazio txostenak, baita obra amaierako edo gauzatze ziurtatzekoak ere.
- Proiektuak, obra-zuzendaritza, legeztatze gastuak, hondakinak kentzea, koordinazioa eta segurtasun eta higieneko ekipamendua.
- Egungo igogailuen sistema eragilea edo higitzailea modernizatzeko inbertsioak.
- Obra zibilean egindako gastutzat har daitezkeen sail ekonomikoa.
- Eta, orokorrean, behar bezala zehaztu eta definitu gabeko kostu guztiak, eta ondorioz, era zuzenean identifikatzea ezinezkoak izango direnak, laguntza programa honetako 4. eta 5. oinarrietan aurreikusten diren jardueren inbertsioen energia helburuak lortzeari begira.

7. Diru laguntzei egingo zaizkien mugaketa orokorrak

7.1 Diru laguntzen zenbatekoaren muga

Laguntza programa honen kontura gauzatuko diren jardueretan, energia eraginkortasunaren alorrean nahiz eguzki-energia termikoaren arloan, proiektuko gehieneko diru laguntza **berrogei mila (40.000) eurokoa** izango da, eta onuradun bakoitzeko izango duen gehieneko diru laguntza **hirurogei mila (60.000) eurokoa** izango da. Ez du inola ere gaituzko jardueren mota bakoitzerako ezarritako ehunekoa, laguntza programa honen **oinarri hauetako 4. eta 5.** ataletan azaltzen direnak.

Nolanahi ere, **4. oinarriko b) eta c) ataletan** azaltzen diren jardueren diru laguntzaren zenbatekoak ezin izango du kostu lagungarriaren %25 gainditu energia eraginkortasun alorrekoak gauzatzeko, eta kostu lagungarriaren %35 eguzki termikoaren arloko jarduerak direnean.

Jardueraren **kostu lagungarria 3.000 euro (BEZik gabe) baino txikiagoa** bada, laguntzen programa honetaz ezin izango da baliatu.

Gainera, eskatzaileek enpresatzat hartzeko moduko ezaugarriak badituzte, 651/2014 Erregelamenduan ezarritakoari jarraiki, eta diru laguntza eskatzen den proiektuaren edo jardueraren arabera, aipatutako Erregelamenduaren artikulua hauetan aurreikusten dena aplikatuko da:

- 651/2014 Erregelamenduaren 38.2 artikulua – Energia eraginkortasunaren aldeko neurriak: Ez dira diruz lagunduko enpresek egingo dituzten hobekuntzak lehendik Europar Batasunak hartutako arauetara egokitzeko badira, oraindik indarrean ez badaude ere.
- 651/2014 Erregelamenduaren 40.3 artikulua – Eraginkortasun handiko kogenerazioa: Inbertsioari begirako diru laguntzak soilik emango dira instalatu berrien edo berrietuen ahalmenak kontuan hartuta.
- 651/2014 Erregelamenduaren 41.5 artikulua – Iturri berriztagarrietatik datorren energiaren sustapena: Inbertsioari begirako diru laguntzak instalazio berriei baino ez zaizkie emango. Ez da emango eta ez da efektiborik egingo diru laguntzarik instalazioa funtzionatzen hasi ondoren.

7.2 Beste laguntza batzuekiko bateragarritasun erregimena

a) Enpresatzat jotzen diren eskatzaileak, 651/2014 Erregelamenduaren arabera:

Beste diru laguntza batzuekiko bateragarritasuna energiaren eraginkortasun jardueretarako

- Dokumentu honetan jasotzen den xede bera izanik, beste erakunde edo elkarte publiko zein pribatu batzuek emandako diru laguntzak bateragarriak izango dira programa honetan ematen direnekin, baldin eta diru laguntza guztiak batera kostu lagungarriaren ehunekoak jarraian aipatzen direnak edo txikiagoak badira:
 - **4. oinarriko a), b) eta c.3) ataletan** zehazten diren inbertsio proiektuetarako kostu lagungarriaren %30. Salbuespena enpresa txikiak eta ertainak izango dira, horien kasuan %50 eta %40 izango baita, hurrenez hurren (651/2014 Erregelamenduaren 38. artikulua).
 - **4. oinarriko c.1) atalean** zehazten diren jardueretarako kostu lagungarriaren %30. Laguntza programa honen arabera, salbuespena enpresa txikiak eta ertainak izango dira, horien kasuan %50 eta %40 izango baita, hurrenez hurren (651/2014 Erregelamenduaren 40. artikulua). Salbuespena hau da: energia aldetik eraginkorrak diren berokuntza eta/edo hozteko sistemak (district heating-cooling erakoak), kasu honetan kostu lagungarria %45 izango da; enpresa txikiak eta ertainak izan ezik, horien kasuan %65 eta %55 izango baita, hurrenez hurren (651/2014 Erregelamenduaren 46. artikulua).
 - **4. oinarriko c.2) atalean** zehazten diren inbertsio proiektuetarako kostu lagungarriaren %45. Salbuespena enpresa txikiak eta ertainak izango dira, horien kasuan %65 eta %55 izango baita, hurrenez hurren (651/2014 Erregelamenduaren 40. artikulua).

Beste diru laguntza batzuekiko bateragarritasuna eguzki termikoaren alorreko jardueretarako:

- Dokumentu honetan jasotzen den xede bera izanik, beste erakunde edo elkarte publiko zein pribatu batzuek emandako diru laguntzak bateragarriak izango dira programa honetan ematen direnekin, baldin eta diru laguntza guztiak batera kostu lagungarriaren ehunekoak jarraian aipatzen direnak edo txikiagoak badira:
 - **5. oinarriko atalean** zehazten diren jardueretarako:
 - a. Kostu lagungarriaren %45; salbuespena enpresa txikiak eta ertainak izango dira, horien kasuan %65 eta %55 izango baita, hurrenez hurren, honako ezaugarri hauek betetzen badituzte: (i) energia iturri berriztagarrietatik datorren energiaren ekoizpenean egindako inbertsio-kostuak inbertsio bereizi gisa identifikatu ahal direnean guztizko

inbertsio-kostuetan, adibidez, erraz identifika daitekeen osagai erantsiren bat egungo instalazio batean jartzeko, edo (ii) energia iturri berriztagarrietatik datorren energiaren ekoizpenean egindako inbertsio-kostuak antzeko inbertsio baten erreferentzia hartuta identifikatu ahal direnean, ingurumena gutxiago errespetatzen badu ere, modu sinesgarrian diru laguntzarik gabe egin zitekeena -inbertsio konbentzionala-, bi inbertsio horien arteko kostuen aldeak zehaztuko du energia iturri berriztagarrietatik datorren energiari lotutako kostua (651/2014 Erregelamenduaren 41. artikulua).

- b) Kostu lagungarriaren %30; salbuespena enpresa txikiak eta ertainak izango dira, horien kasuan %50 eta %40 izango baita, hurrenez hurren. Laguntza programa honen arabera, tamaina txikiko zenbait instalazioren kasuan, ingurumena gutxiago errespetatzen duen inbertsioa zehazteko modurik ez badago, tamaina mugatua duten instalazio ezagatik, ingurumen babes maila handiagoa lortzeko egindako inbertsioaren guztizko kostuak izango dira kostu lagungarriak (651/2014 Erregelamenduaren 41. artikulua).

b) Eskatzaileak enpresatzat hartzeko eskakizunak betetzen ez baditu, 651/2014 Erregelamenduak xedatutakoari jarraiki:

Diru laguntzaren gainerako eskatzaileak, energia eraginkortasunaren zein eguzki termikoaren alorrean, enpresatzat hartzen ez bada, 651/2014 Erregelamenduan xedatutakoa betez, diru laguntzaren konkurrentzia muga guztizko **inbertsioaren %80 edo txikiagoa izango da (BEZik gabe).**

Beste erakunde edo administrazio batzuek emandako diru laguntzak gauzatzen badira EEE Energiaren Euskal Erakundeak emandako diru laguntzaren ebazpenaren ondoren, onuradunak EEEri jakinarazi beharra du (**13. oinarria, e) atala**), eta diru laguntza guztien azterketatik ondorioztatzen bada diru laguntzaren zenbatekoa gutxitu behar dela, alde edo guztiz errebokatzeko dagokion ebazpen baten bidez zehaztuko da, diru laguntza ordaindu aurretik emango dena.

7.3 Diruz lagunduko diren jardueren kontratazioa edo azpikontratazioa hirugarrenekin

- a) LGSen 29. artikuluan eta RGSen 68. artikuluan xedatutakoarekin bat etorritik, onuradun batek azpikontratatzeko duela ulertuko da honako egoera hau gertatuz gero: diru laguntzaren xedea den jardueraren zati baten edo jarduera osoaren gauzapena hirugarren batekin hitzartzen badu. Diruz lagunduko den jarduera aurrera eramateko onuradunak berak egingo dituen gastuen kontratazioa kontzeptu horretatik kanpo geratuko da.

Nolanahi ere, hirugarrenen kontratazioa edo azpikontratazioa diruz lagunduko den jardueraren zenbatekoaren %100 izan daiteke; diruz lagunduko diren jardueren kontratazioa edo azpikontratazioaren aplikazioari dagokionez, goraxeago aipatutako 29. artikuluan xedatutakoa beteko da.

- b) Diru Laguntzei buruzko Lege Orokorraren 31.3 artikuluan xedatutakoa betez, Sektore Publikoaren Kontratuen Legearen (SPKL) aplikazio araudia bazter utzi gabe, eskatzailearen izaera juridikoaren arabera, Kontratazio Publikoaz diharduen araudian ezarritako zenbatekoak gainditzen badituzte gastu lagungarriaren zenbatekoek, kontratu txikiari dagokionez (15.000€ zerbitzuetarako eta horniduretarako BEZik gabe eta 40.000€ obrarako BEZ gabe), onuradunak gutxienez hiru eskaintza eskatu beharko zaizkie hornitzaile ezberdinei, obrarako konpromisoaren kontratazioa gauzatu, zerbitzua egin edo ondasuna eman aurretik, salbu eta, haren ezaugarri bereziengatik, merkatuan nahiko erakunderik ez baldin bada gauzatu, zerbitzu egin edo hornitzeko, edo salbu eta gastua egiten baldin bada diru laguntza eman baino lehen (salbuespena, azken kasu honetan, 651/2014 Erregelamenduaren mende dauden enpresei begira).

Aurkeztuko diren eskaintzen arteko aukeraketa, funtsean, eraginkortasun eta ekonomia irizpideak kontuan hartuta egingo da, eta aukeraketa espreski justifikatuta geratu beharko da, baldin eta aukeratua kalitate-prezio erlazio onena duen proposamena ez denean.

8. Bideratzeko kudeaketa eta prozedura

39/2015 Legearen 14. artikuluan xedatutakoarekin bat etorriz eta **Administrazio Elektronikaz** diharduen otsailaren 21eko 21/2012 Dekretuaren arabera (aurrerantzean **21/2012 Dekretua**), laguntza programa honi lotutako espedienteen bideratze edo izapidetze guztiak (eskaerak, errekerimenduak, jakinarazpenak, zuzenketa eta gainerako kudeaketak), horretarako berariaz diseinatutako aplikazio informatikoa erabili beharko da. Aplikazio hori EEEn webgunean dago eskuragarri, helbide honetan: <https://gestionayudas.eve.eus/solicitud>.

Diru laguntzak eskatzea edo bideratzearekin zerikusia duten edozein izapide edo dokumentu aplikazio informatika horretaz eginez gero, era elektronikoa, sinadura elektronikoa aitortu bat eduki beharko du, 21/2012 Dekretuaren 11. artikuluan xedatutakoaren arabera.

Eskabidea osatugabea, akatsekin egongo balitz, edo oinarri hauetan eskatzen dena bete ezik, hamar (10) egun baliaduneko epea emango litzaioke interesdunari zuzentzeko edo eskatzen zaizkion dokumentuak aurkezteko, horretarako bidaliko zaion jakinarazpena jasotzen duen egunetik kontatzen hasita, eta hori egin ezear, eskabidea bertan behera utziko zaio, aurretiaz emango den ebazpen baten bidez, Administrazio Publikoaren Administrazio Prozedura Erkideaz diharduen 39/2015 Legearen 21. artikulua arabera xedatutako ebazpena, hain zuzen ere.

Eskaera aurrez aurre edo presentzialki aurkeztuz gero, ezarritako bide elektronikotik kanpo, interesdunari eskatuko zaio zuzentzeko, eta era elektronikoa aurkezteko. Ondorio hauetarako, eskaeraren aurkezpen data edo eguntzat joko da zuzenketa egiten den eguna.

9. Diru laguntza eskatzeko prozedura

Diru laguntzaren eskabidea eta berarekin batera bidali behar den dokumentazio tekniko-administratiboa **8. oinarrian** azaltzen den aplikazio informatikoaren bitartez egingo da, eta **3. oinarrian** adierazten den epearen barruan.

Eskatzaileak zenbait jarduera egiteko asmorik badu, izaera ezberdinekoak direnean, edo toki desberdinetan egingo balira, toki bakoitzeko eta jarduera bakoitzeko eskaera espezifikoa bat egin beharko luke.

Diru laguntza eskaera egiteko, jarduera mota bakoitzeko, aplikazio informatikoaz formalizatu eta aurkeztu beharreko dokumentazioa hau da:

Udalak, udal mankomunitateak, kuadrillak eta administrazio batzarrak

a. **Diru laguntza eskabidea.** Dokumentu honetan eskatzailearen datu orokorrak, diru laguntza eskatzea ekarri duen jarduera mota, haren kokalekua eta haren inguruko datu tekniko zehatzak azalduko dira. Era berean, aplikazio informatiko berberaz deklarazio hauek formalizatuko dira:

- Eskatzaileak arauak betetzen dituela egiaztatzen duen ardura-deklarazioa eskaeraren egunean.
- Beste diru laguntza batzuk jaso izanaren ardura-deklarazioa eskaeraren egunean.

b. **Dokumentazio administratiboa**

- Sinatzailearen (legezko ordezkaria) NANaren kopia.
- Alkate edo kargu hautatzeko ziurtagiriaren kopia.
- IFKaren kopia.
- Kontu korrontearen IBAN-a egiaztatzeko banketxearen ziurtagiria, haren titularrak eskatzailea izan beharko da. Laguntzen programa honek eskatzen dituen baldintza guztiak betez gero, eta eskatzaileak onuraduna izateko egokiera bereganatu eta gero, kontu horretan sartu edo ordainduko da diru laguntza.
- Foru Ogasunean dagozkion ordainketak eginak dituela egiaztatzen duen egiaztapen eguneratua.

- Gizarte Segurantzaren dagozkion ordainketak eginak dituela egiaztatzen duen egiaztagiria eguneratua.
- Kasuan kasu, beste erakunde batzuek emandako beste diru laguntzei buruzko ebazpen positiboaren kopia eskaeraren egunean.

Energia Zerbitzu Enpresa - ESE

a. **Diru laguntza eskabidea.** Dokumentu honetan eskatzailearen datu orokorrak, diru laguntza eskatzea ekarri duen jarduera mota, haren kokalekua eta haren inguruko datu tekniko zehatzak azalduko dira. Era berean, aplikazio informatiko berberaz deklarazio hauek formalizatuko dira:

- Eskatzaileak arauak betetzen dituela egiaztatzen duen ardura-deklarazioa eskaeraren egunean.
- Beste diru laguntza batzuk jaso izanaren ardura-deklarazioa eskaeraren egunean.
- Enpresatzat hartzeko deklarazioa, 651/2014 Erregelamenduaren ondorioetarako.

b. Dokumentazio administratiboa

- Sinatzailearen (legezko ordezkaria) NANaren kopia.
- IFKaren kopia.
- Ahalduntzeko eskrituraren kopia edo ordezkatzeko dokumentu justifikagarria.
- Eskrituraren, estatutuen edo eratzeko ekitaldiaren kopia.
- Kontu korrontearen IBAN-a egiaztatzeko banketxearen ziurtagiria, haren titularrak eskatzailea izan beharko da. Laguntzen programa honek eskatzen dituen baldintza guztiak betez gero, eta eskatzaileak onuraduna izateko egokiera bereganatu eta gero, kontu horretan sartu edo ordainduko da diru laguntza.
- Foru Ogasunean dagozkion ordainketak eginak dituela egiaztatzen duen egiaztagiria eguneratua.
- Gizarte Segurantzaren dagozkion ordainketak eginak dituela egiaztatzen duen egiaztagiria eguneratua.
- Kasuan kasu, beste erakunde batzuek emandako beste diru laguntzei buruzko ebazpen positiboaren kopia eskaeraren egunean.
- Enpresen kasuan, enpresa txiki edo ertaintzat hartzeko modukoak badira, 651/2014 Erregelamenduaren I. Eranskinaren 2. artikuluan xedatutakoari jarraiki, horrelakotzat jotzeko behar diren dokumentu hauek aurkeztu beharko dituzte:
 - ✓ Gizarte Segurantzak emandako ziurtagiria, enpresak duen langile kopuruari buruzko informazioa azalduko duena.
 - ✓ Urteko negozioen bolumenaren edo urteko balantze orokorraren egiaztagiria.

Gainera, goraxeago adierazitako eskatzaileek, eta diru laguntza eskatzen den jardueraren arabera, honako dokumentazio hau aurkeztu beharko dute:

c. Dokumentazio teknikoa

- Egungo egoeraren eta proposatzen denaren inguruko memoria tekniko-ekonomiko deskriptiboa (formalizatutako kontratuaren arabera, ESEen kasuan), eta bertan proiektuaren hasiera eta amaiera datak eta aurreikusten den energiaren aurrezpenaren justifikazioa agertuko dira.

Eguzki instalazio termikoen kasuan, **CTEk dioena aplikagarria bazaie, eta soil-soilik instalazioen handitzea** arau horrek eskatzen duen gainera egiten baldin bada (diruz lagunduko dena, 5. oinarriaren arabera), memoriak handitzeari dagokion kalkulua eta bere emaitzak jaso behar ditu.

- Eskari agindua sinatuta, edo kontratu formalizatua eta sinatuta, diru-sail guztiak behar bezala zehaztuak eta banakatuak aurkeztu beharko dira. Ez da inolako eskari agindu edo kontraturik onartuko, baldin eta diru-sail gehituak baditu, energia instalazioaren diru-sail garrantzitsuenak bereiztea galaraztea ekar dezaketenak.
- Aurreikusitako energia aurrezpenaren justifikazioa, eguzki instalazio termikoak izan ezik. Dokumentu hori, funtsean, laguntza programa honek ematen duen diru laguntzaren xedea den jardueraren datu teknikoen eta ekonomikoen laburpen bat izango da. Era zehatzean azalduko dira oraingo eta etorkizuneko energia-ekonomia egoeraren emaitzak, batez ere **diruaren eta energiaren aurrezpena eta energia jardura gauzatzeko aurkezten den eskari aginduari edo kontratuari lotutako inbertsioa berreskuratzeko edo itzultzeko aldia.**
- Argiteria proiektuei dagokienez, REEAk (Kanpo Argiteria Instalazioetan Energia Eraginkortasun Araudia den 1890/2008 Errege Dekretuak) eta bere jarraibide tekniko osagarriek diotena betetzen dela adierazpena edo deklarazioa.
- Argiteria publiko proiektuen kasuan, proiektuaren energia-kalifikazioa eta kalifikazio horren justifikazioa (REEAren arabera).
- UEP edo PACESen kasuan, 4. oinarrian azaltzen den bezala, honako dokumentazio hau aurkeztu beharko da: (1) UEP edo PACESen fitxategia formatu digitalean; (2) Udaltzaren UEP edo PACESa onartu zuen bilkuraren aktaren edo dokumentuaren kopia; (3) UEP edo PACESen barruan diruz lagunduko den ekintzaren edo jardueraren kokapen zehatza (orrialdea) jasotzen duen dokumentua; eta (4) UEP edo PACESen barruan jaso eta burututako ekintzen egoera edo jarraipena.
- Proiektuaren azalaren edo lehen orriaren kopia sinatuta, eguzki instalazio termikoen potentzia termikoa 70 kW-ekoa baino handiagoa bada.

ESEen kasuan, aurrerago adierazitako dokumentazioaz gainera, espezifikoki, honako aurkeztu beharko da:

- **Bezeroaren** ziurtagiria, kontratuaren behin betiko esleipena erakunde eskatzailearen aldeko izan dela egiaztatzen duena.
- ESE onuradunaren langile propioen eskulana, diruz lagunduko den jarduerari edo jardura multzoei zuzenki lotua, ESEk emango duen ziurtagiriaz abalaturia, proiektuan arituko diren langile bakoitzaren ezaugarriak zehaztasunez adieraziz: kategoria, jardunaldiko orduak eta orduko kostua.
- Inbertsio "konbentzional" edo "estandar" motaren kostua, 651/2014 Erregelamenduaren 38., 40. eta 46. artikuluetan xedatutakoa betez. Dokumentu hau oinarriko inbertsio baten eskaintzari dagokio, energia eraginkortasun handikotzat jo daitekeen energia sistemarik barne hartzen ez duena.

Dokumentu hori ez da beharrezkoa eguzki instalazio termikoen kasuan, EEEK barne prozeduraz kalkulatuak dituenak, ingurumenarekin hain errespetutsua ez den antzeko inbertsio batekiko erreferentzian (651/2014 Erregelamendua).

- Diru laguntzaren eskatzailearen eta **bezeroaren** artean sinatutako kontratuaren kopia, energia zerbitzuak emateari begira. Bertan, besteak beste, haxe azaldu eta zehaztu beharko da: inbertsioak eta itzulkina edo erretornua **bezeroari**, eta honengan eragina prezioen murrizketaren ondorioz, eskatzaileak EEEren aldetik jasoko duen diru laguntza dela eta. Horretaz gain, **bezero** kontratatzailearekiko betebeharrak, energia zerbitzu enpresen nahitaezko inbertsioen eta borondatezko inbertsioen arteko bereizi beharra dago.
- Aurreko paragrafoan aipatutako kontratu horretan espresuki jasotzen ez bada **bezeroari** zerbitzuen prezioen murrizketa, ESEk EEEren aldetik jasoko duen diru laguntzaren ondorioz, alde biek, ESEk eta bezeroak, izenpetuko duten deklarazio bat (kontratuaren adenda) aurkeztu beharko da, energia zerbitzuaren kostuaren

murrizketa adieraziz, eta haren gutxieneko kantitatea izango da EEEk ESEri emango dion diru laguntza ekonomikoarena.

Dokumentu guztiak, ahal dela, PDF euskarrian edo formatuan aurkeztuko dira.

EEEk diru laguntza eskaera behar bezala aztertzeko, beharrezkotzat jotzen dituen informazio eta dokumentu osagarriak eska diezazkioke eskatzaileari.

10. Ebazpena, komunikazioa eta publizitatea

Diru laguntza emateko prozedura lehia edo konkurrentzia jarraitua izango da, eta, beraz, eskabideak aurkezten diren hurrenkeraren edo ordenaren arabera aztertu eta bideratuko dira espedienteak, eta modu egokian formulatuak eta beteak egongo diren heinean eta hurrenkeran bideratuko dira. Eskabidea akastuna izanez gero, eta konpondu beharko balitz, aurkezpen datatzat **8. oinarrian** azaldutakoa hartuko da.

EEE Energiaren Euskal Erakundeko zuzendari nagusiak ebazpena eman eta modu elektronikoa (**8. oinarrian** azaltzen den aplikazio informatikoaren bitartez) helaraziko dio eskatzaileari jakinarazpena sei (6) hilabeteko gehieneko epean, diru laguntza eskaera, osoa eta zuzena, aurkezten den egunetik kontatzen hasita (39/2015 Legearen 21.2 artikulua). Epe hori igaro ondoren, eta ebazpen zehatzik jasotzen ez badu, eskatzaileek ulertu beharko dute beren diru laguntza eskabidea onartua izan dela, 39/2015 Legearen 24.1 artikuluan xedatzen den bezala.

Ebazpenean honako hau azalduko da: (i) diru laguntzaren xedea den jarduera, (ii) haren zenbatekoa (kantitate gordina, onuradunaren izaeraren ondoriozko zerga-betebeharrei utzi gabe), (iii) interesekoak izan daitezkeen beste alderdi batzuk eta (iv) eskabideari ezezkoa emanez gero, haren arrazoiak.

Ebazpen horren kontra, prozedura administratiboari amaiera ematen diona, eskatzaileek hautazko birjartze errekurtsioa jar dezakete EEE Energiaren Euskal Erakundeko zuzendari nagusiaren aurrean hilabeteko epearen barruan, ebazpena jakinarazten den egunaren biharamunetik kontatzen hasita, edo bestela, zuzenean administrazioarekiko auzi errekurtsioa Bilbon dagokion epaitegian bi hilabeteko epean, ebazpena jakinarazten den egunaren biharamunetik kontatzen hasita. Hori guztia, 39/2015 Legearen 123. eta 124. artikuluek diotena betez eta uztailaren 13ko 29/1998 Legearen 46.1 artikuluekin bat etorritz; hain zuzen ere, Administrazioarekiko auzien jurisdikzioa arautzen duena (aurrerantzean **29/1998 Legea**).

Diru laguntza emateko orduan kontuan hartutako baldintzak aldatuz gero, betiere onuraduna izateko diru laguntzen araudiek ezartzen dituzten gutxieneko betekizunak babestuz, diru laguntza emateko ebazpena aldatzea ekar dezake, diru laguntza arautzearen inguruko legeriak xedatzen duenarekin bat etorritz (LGEen 19.4 artikulua eta 1/1997 Dekretu Legegilearen 49.2 artikulua).

Azkenik, 19/2013 Legeak dioenarekin bat etorritz, abenduaren 9koa, gardentasunari, informazio publikoa eskuratzeko bideari eta gobernu onari buruzkoa (aurrerantzean **19/2013 Legea**) eta RGSa, laguntza programa hau amaitu eta gero, EEEk bere Gardentasun Atarian eta EHAAn argitaratuko ditu emango diren diru laguntzak; baita legeak eskatzen dituen datuak ere azalduko dira bertan.

Euskadiko 2014-2020 aldirako FEDER Programa Operatiboaren esparruan kofinantzatuko dira laguntza hauek, eta horren berri eman beharko da jendaurrean, (UE) 1303/2013 Erregelamenduaren 115. artikuluko 3. atalaren eta XII. eranskineko 2.2. atalaren arabera. Alde horretatik, baldin eta diruz lagundutako jardueri buruzko informazio eta komunikazio jarduerak edo ekintzak egiten badira, FEDER bidezko kofinantzaketa komunitarioa (Europar Batasunarena) aipatu beharko da hedapenerako erabilitako material edo euskarrietan, Batasunaren ikurra eta Europar Batasunaren erreferentzia txertatuta. Operazioa garatzen ari den bitartean, haren deskribapen labur bat egin beharko da bere webgunean, Batasunaren diru laguntza nabarmenduz bertan, eta gutxienez proiektuari buruzko informazio kartel bat -A3ko gutxieneko tamainan-jarriko da, non Batasunaren diru laguntza aipatuko baita jendeak ikusteko moduan.

FEDERen laguntza onartuz gero, onartu egingo da, orobat, (UE) 1303/2013 Erregelamenduaren 115. artikuluko 2. atalean eta XII. eranskinean jasotako operazioen zerrenda publikoan sartzea.

11. Diru laguntzak ordaintzea

Euskal Autonomia Erkidegoko Administrazio Orokorra eta Instituzionalak emandako izaera bereko dirulaguntzak itzultzeko dauzkaten elkarteek edo erakundeek ezin izango dute laguntzen programa honek ematen duen dirulaguntzarik jaso.

Horrelako kasuetan, aztertu egingo da itzuli beharreko diru laguntza zer egoeratan dagoen, borondatezko aldian edo bide betearazlean. Onuradunek diru laguntzen itzulketen betebeharren ordainketak eginak dituztela kontuan hartzeko, hauxe izango da irizpidea: diru laguntza horiek emandako administrazioarekiko zorrik ez izatean epealdi betearazlean diru laguntzak itzultzeari dagokionez, edo onuradunei zein elkarte laguntzaileei premiamendu-bidea ezartzea edo aurrera eramaterik ez dagoen kasuetan, borondatezko aldian zorrak ez ditu kontuan hartu. Era berean, onuradunek diru laguntzen itzulketen betebeharren ordainketak eginak dituztela kontuan hartuko da zor horiek geroratuta edo zatikatuta badaude, edo bertan behera uzteko erabaki bada, itzultzeko dagokion ebazpena aurkaratuz gero (RGSen 21. artikulua).

Aurkeztuko den proiektua edo azterlana bukatu ondoren, EEEK emango duen diru laguntzaren ordainketa, onuradunak horretarako adierazitako kontu korrontean egingo da. Hori egin aurretik, justifikatu beharreko dokumentazio guztia aurkeztu beharko da, diruz lagunduko jarduerak eta egindako gastuak egiaztatzeko.

Diruz lagunduko den jarduerari lotutako dokumentuen justifikazioa aplikazio informatika baten bidez egingo da, hasieran diru laguntza eskabidea bideratzeari begira erabiliko den aplikazio bera.

Ordainketa eskaria egiteko, justifikatu beharreko proiektu bakoitzerako, argia, espezifikoia eta gaurkotua izan behar den honako dokumentazioa formalizatu eta aurkeztu beharko da:

Udalak, udal mankomunitateak, kuadrillak eta administrazio batzarrak

a. **Ordaintzeko eskaria.** Dokumentu hau aurkeztuta, proiektuaren amaiera eta abian jartzeko komunikazioa adierazten da. Atal honetan deklarazio hauek ere formalizatuko dira:

- (i) Eskatzaileak arauak betetzen dituela egiaztatzen duen ardura-deklarazioa justifikazioaren egunean.
- (ii) Beste diru laguntza batzuk jaso izanaren ardura-deklarazioa justifikazioaren egunean.

b. **Dokumentazio administratiboa:**

- Foru Ogasunean dagozkion ordainketak eginak dituela egiaztatzen duen egiaztagiria eguneratua.
- Gizarte Segurantzari dagozkion ordainketak eginak dituela egiaztatzen duen egiaztagiria eguneratua.
- Kasuan kasu, beste erakunde batzuek emandako beste diru laguntzei buruzko ebazpen positiboaren kopia justifikazioaren egunean.

c. **Dokumentazio teknikoa:**

- Egindako inbertsioa justifikatzeko faktura zehatzak (jatorrizko kopiak), sailka banatuta eta ekonomikoki balioztatuta, 2020ko urtarrilaren 1etik 2020ko abenduaren 31 bitartean data dutenak. Faktura horien jaulkitzailea onuraduna bera izan beharko da, 2.1 oinarrian adierazten den moduan.

Proiekturen batek hamar (5) faktura baino gehiago jaulkitzea eskatuz gero, faktura horiekin batera, fakturen zerrenda zehatza den laburpen koadro bat aurkeztu beharko da, eta bertan, gutxienez, hornitzailea, data, faktura-zenbakia eta zerga oinarria azaldu behar dira.

Proiekturen batek obra-ziurtapenari lotutako fakturak jaulkitzea eskatuz gero, honako hau aurkeztu beharko da: 1) jaulkitako faktura-ziurtapen guztiak, 2) jaulkitako faktura-ziurtapen bakoitzari dagokion ziurtapen laburpen guztiak, eta 3) jaulkitako ziurtapen bakoitzarekin bat etorritako kontu-sail burutuen bilakaeraren zehaztasun guztiak (laburpena eta faktura).

- Fakturak ordaindu izana justifikatzen duten agiriak, honako hauek identifikatzeko moduan: laguntzaren azken hartzailea; ordainketa jasotzen duen hirugarrena; ordainketa-data (balio-data); eta laguntzaren xede den proiektua identifikatzeko beharrezkoak diren datuak.
- Instalazio Termikoaren Ziurtagiriaren kopia, **4. oinarriko c.1) eta c.2) ataletan eta 5. oinarrian** azaltzen diren jardueren kasuan (bero sortzeko instalazioetarako espezifikoak).
- Argiteria publiko proiektuen kasuan, proiektuaren energia-kalifikazioa eta kalifikazio horren justifikazioa (REEAren arabera).
- Erregistratutako eraikinaren Energia Eraginkortasunaren Ziurtagiria (eraikinetan hobekuntzez diharduen 2013ko apirilaren 13ko 235/2013 Errege Dekretuaren arabera).
- Diru laguntza jasotako energia jardueraren osagai nagusien kolorezko argazkiak. Argazki horietan hasierako egoera, jarduera egiten hasi baino lehen, eta amaierako egoera agertuko dira.

Energia Zerbitzu Enpresa – ESE

a. Ordaintzeko eskaria. Dokumentu hau aurkeztuta, proiektuaren amaiera eta abian jartzeko komunikazioa adierazten da. Atal honetan honako deklarazio hauek ere formalizatuko dira:

- Eskatzaileak arauak betetzen dituela egiaztatzen duen ardura-deklarazioa justifikazioaren egunean.
- Beste diru laguntza batzuk jaso izanaren ardura-deklarazioa justifikazioaren egunean.

b. Dokumentazio administratiboa:

- Foru Ogasunean dagozkion ordainketak eginak dituela egiaztatzen duen egiaztagiri eguneratua.
- Gizarte Segurantzari dagozkion ordainketak eginak dituela egiaztatzen duen egiaztagiri eguneratua.
- Kasuan kasu, beste erakunde batzuek emandako beste diru laguntzei buruzko ebazpen positiboen kopia justifikazioaren egunean.
- Diruz lagundutako jardueraren amaiera onartzen dela egiaztatzen duen ziurtagiria, kontratuan hitzartutakoaren arabera, bezeroak eta diru laguntzaren onuraduna den ESEk sinatua.

c. Dokumentazio teknikoa:

- Egindako inbertsioaren faktura zehatzak (jatorrizko kopiak), sailka banatuta eta ekonomikoki balioztatuta, honako data hauen artean: Laguntza programa honen diru laguntza eskabidea aurkeztu den egunaren biharamunetik 2020ko abenduaren 31ra. Fakturak onuraduna denak jaulki behar ditu, Oinarri hauetako 2.1 atalean zehazten den bezala.

Proiekturen batek bost (5) faktura baino gehiago jaulkitzea eskatuz gero, faktura horiekin batera, fakturen zerrenda zehatza den laburpen koadro bat aurkeztu beharko da, eta bertan, gutxienez, hornitzailea, data, faktura-zenbakia eta zerga oinarria azaldu behar dira.

Proiekturen batek obra-ziurtapenari lotutako fakturak jaulkitzea eskatuz gero, honako hau aurkeztu beharko da: 1) jaulkitako faktura-ziurtapen guztiak, 2) jaulkitako faktura-ziurtapen bakoitzari dagokion ziurtapen laburpen guztiak, eta 3) jaulkitako ziurtapen bakoitzarekin bat etorritako kontu-sail burutuen bilakaeraren zehaztasun guztiak (laburpena eta faktura).

- Fakturak ordaindu izana justifikatzen duten agiriak, honako hauek identifikatzeko moduan: laguntzaren azken hartzailea; ordainketa jasotzen duen hirugarrena; ordainketa-data (balio-data); eta laguntzaren xede den proiektua identifikatzeko beharrezkoak diren datuak.
- Diru laguntzaren onuraduna izandako ESEren ziurtagiria, diruz lagundutako jarduera bakoitzean parte hartze zuzena izango duen ESEko langile bakoitzaren kategoria, dedikazio orduak eta ordukako kostua azalduko dituena.
- Instalazio Termikoaren Ziurtagiriaren kopia, **4. oinarriko c.1) eta c.2) ataletan eta 5. oinarrian** azaltzen diren jardueren kasuan (bero sortzeko instalazioetarako espezifikoak).
- Argiteria publiko proiektuen kasuan, proiektuaren energia-kalifikazioa eta kalifikazio horren justifikazioa (REEAren arabera).
- Erregistratutako eraikinaren Energia Eraginkortasunaren Ziurtagiria (eraikinetan hobekuntzez diharduen 2013ko apirilaren 13ko 235/2013 Errege Dekretuaren arabera).
- Diru laguntza jasotako energia jardueraren osagai nagusien kolorezko argazkiak. Argazki horietan hasierako egoera, jarduera egiten hasi baino lehen, eta amaierako egoera agertuko dira.
- Memoria teknikoa, egindako jardueren eta aurreikusitako energia eta ekonomia aurrezkien betetze mailaren informazioa jasoko duena. Horretaz gainera, egindako proba eta ikuskapen teknikoen ziurtagiriak ere aurkeztuko dira.
- Egindako jardueren memoria ekonomikoa, egindako jarduerari lotutako gastuen eta inbertsioen sailkapen zehatza izango duena, honako hauek deskribatuko dituena: gastua, hartzekodun bakoitzaren identifikazioa, guztizko zenbatekoa eta proiektuari edo jarduerari dagokiona, faktura bakoitzaren eguna eta gerta litezkeen desbideratzen erreferentzia eta arrazoiak, onartutako aurrekontuaren aldean.

Diru laguntzaren xedea den jarduera amaitu ondoren, eta beranduenez ere 2021ko urtarrilaren 15ean, ordaintzeko eskaera aurkeztu beharko da. EEEri bidaliz, posta elektronikoz, oinarri hauetako 8. atalean azaltzen den aplikazioaz, baita goraxeago adierazitako dokumentazioa ere. Ordaintzeko eskaera eta dokumentazioaren aurkezpena ekitaldi bakarrean eta bere osotasunean egingo da onuradunaren edo legezko ordezkariaren aldetik. Hartara, ordaintzeko eskaera osatu gabe edo akastuna izango balitz, edo postaz zein aurrez aurre edo eskura aurkeztuz gero, hamar (10) egun balioduneko epea emango litzaioke eskatzaileari zuzentzeko, zuzentzeko bidaliko zaion idazkiaren bidez jakinarazia, diru laguntzaren onuradunak horren berri emateko jakinarazpena jasotzen duen egunetik kontatzen hasita (39/2015 Legearen 68. artikulua).

Goraxeago adierazten den dokumentazio justifikagarri hori guztia jasotzeko epea ez da inola ere luzatuko EEEren aldetik. Dokumentazio justifikagarri hori guztia dagokion epean aurkeztu ezean, itzularaziko zaio zenbatekoa eta LGSen ezartzen diren gainerako erantzukizun guztiak eskatzea ekarriko du.

Aipatutako dokumentazio hori guztia jaso ondoren, aztertzeari ekingo zaio, eta behar bezala izanez gero, diru laguntza ordaintzeko izapideari hasiera emango dio EEEK. Aurkeztutako dokumentazio justifikagarria aztertu eta gero, eta azken diru laguntzaren zenbatekoa hasieran emandakoa baino txikiagoa izan behar dela egiaztatuz gero, diru laguntza alde ezeztatzeko espediente bat abiarazteari ekingo zaio. Kontrara, honako egoeraren bat gertatuz gero:

- Eskatutako dokumentazio guztia ez da epearen barruan aurkeztu.
- Energia instalazioa egin dela eta dagokion fakturazioa ez dira egiaztatzen 2020ko urtarrilaren 1etik 2020ko abenduaren 31 bitartean, eta enpresen kasuan, diru laguntza eskabidea aurkeztu den egunaren biharamunetik 2020ko abenduaren 31ra.

- Oinarri hauetan eta/edo diru laguntzez diharduen legerian ezartzen diren baldintzaren bat ez da betetzen.

Goiko hiru kasuetakoren bat gertatuz gero, EEEK diru laguntza osorik errebokatzeo espedienteari ekingo dio.

12. Inbertsioen egiaztatzea

Diru laguntza ematearen aldeko ebazpena jakinarazi ondoren, EEE Energiaren Euskal Erakundeak inbertsioen egiaztatze "in situ" egin ahal izango du, eta bertan instalazioari lotutako zenbait argazki adierazgarri egingo dira, diruz lagundu eta azaldutako inbertsioa burutu dela egiaztatzeo asmoz eta oinarri hauetan ezarritako gainerako betebeharrak betetzen direla bermatzeko; baita espedientearen ez legokeen eta beharrezkotzat joko duen dokumentazio guztia ere eskatu ahal izango da; betiere, diru laguntzen erabilera egoki egingo dela ziurtatu nahian.

Diru laguntza jasotako jardueraren inbertsioen egiaztatze "in situ" egingo zaien onuradunei aldeaz aurretik idazki bat bidaliko zaie, haren berri emateko EEEren aldetik. Jakinarazpena jasoko dutenek egiteko betebeharra izango dute.

Jakinarazpena bidali ondorengo bi asteren barruan, EEEK onuradunari inbertsioen egiaztatze tekniko edo ekonomikoa "in situ" egingo duela jakinarazi ondoren, adierazitako inbertsioa burutu dela egiaztatzeo asmoz, ezin izango balitz ikuskapena egin, EEEekin zerikusia ez duten arazoak tarteko, idatziz jakinaraziko zaio onuradunari hamabost (15) egun balioduneko epea izango duela beste hitzordu bat egiteko, inbertsioen egiaztatze "in situ" egin ahal izateko. Hori egin ezean, EEEK diru laguntzaren zenbatekoa errebokatzeo espedientearen abiaraziko du.

Inbertsioen egiaztatze "in situ"n hartutako informazioa eskabidearen aurkeztu den dokumentazioarekin kontrastatu ondoren, eta hasieran emandako diru laguntza kantitatea txikiagoa izan behar dela, edo ez dagokiola diru laguntzarik jasotzea ondorioztatuko balitz, kasuan-kasuan, EEEK diru laguntza aldeaz edo erabat errebokatzeo espedientearen egingo du eta, hala badagokio, zati bat edo kantitate osoa itzultzeo eskatuko luke, legezko beste bide batzuk hartzeo eta zigorrak aplikatzeko eskubideari uko egin gabe.

13. Onuradunen betebeharrak

Deialdi edo programa honen bitartez arautzen diren diru laguntzen onuradunek, ezinbestean, betebeharrak hauek izango dituzte:

- a. LGSen 14. eta 46. artikuluetan eta 1/1997 Dekretu Legegilearen 50.2. artikuluan xedatutakoak.
- b. Emandako diru laguntza onartzea. Diru laguntza eman zaiola jakinarazten dion agiria jaso eta hamabost (15) eguneko epean berariaz eta idatziz uko egiten ez badio, onartu egin duela ulertuko da, deialdian zein ebazpenean ezartzen diren baldintza ekonomikoen eta gainerakoaren arabera, baita diru laguntza deialdi horren arabera ere.
- c. Diru laguntza zertarako eman zaion, horretarako erabiltzea.
- d. Kontrol Ekonomiko Bulegoari eta Kontu Publikoen Euskal Auzitegiari ematea eskatu ahal dioten informazio zehatza eta guztia, laguntzen programa honen arabera, diru laguntza hauek kontrolatzeko dituzten zereginen jarraiki.
- e. Helburu bera duen proiektua egiteari begira, beste administrazio, erakunde publiko edo pribatu bati eskatutako edota horiek emandako diru laguntzaren berri ematea EEE Energiaren Euskal Erakundeari.
- f. Garatuko den egitasmoen lotutako instalazioek indarrean dagoen legeria edo araudia bete beharko dute, eta haien osagaiak dagokion erakunde eskumendunaren homologazioa eduki beharko dute. Beraz, onuradunak onartzen du egitasmoak bete egingo duela aplikagarria izan dakioken legeriaren alderdi guztietatik: teknika, hirigintza eta gainerako ezaugarriak kontuan hartuta.

- g. Instalazioa jabetzan izatea eta funtzionamendu egokian edukitzea bost (5) urteko gutxienezko epean, EEEK diru laguntza ematen edo ordaintzen duen egunetik kontatzen hasita. Salbuespena izango da diru laguntzaren onuraduna ESE bat denean, eta ESEren eta bezeroaren artean sinatuko duten kontratuaren ondorioz, bost (5) urteko epea igaro baino lehen, diru laguntza jasotako instalazioak eta/edo ekipoak bezeroari ematen zaizkionean.

Kasu bereziren batean, aipatutako bost (5) urteko epea igaro aurretik, onuradunak diruz lagundutako instalazioak edota ekipoak hirugarren bati besterentzea erabakiz gero, azken honek onuraduna izateko dokumentu honetan eskatzen diren baldintzak bete behar ditu, altzeko kontratu-agirian espresuki adierazi beharko du inbertsio hori EEEren 2020ko Toki herri administrazioaren alorrean energia eraginkortasunaren eta eguzki termikoaren aldeko inbertsioak sustatzeko laguntza programaren laguntza jaso duela. Era berean, jabe berriak edo erosleak konpromisoa hartzen du diru laguntza eman zen helbururako erabiltzeko eta instalazioak funtzionamendu egokian edukitzeko EAEn, gutxienez, aipatutako epea bete arte. Horrela ez balitz, EEE Energiaren Euskal Erakundeak diru laguntza osorik errebokatzeko espedientea irekitzeari ekingo lioke.

Nolanahi ere, besterentzea erabakiz gero, EEEri jakinarazi beharko lioke, diru laguntza jasotako instalazioak eta/edo ekipoak saltzeko kontratu-agiria sinatzen den egunetik hilabeteko epean gehienez ere.

Aipatutako besterentzearen harira, erosleak agindutakoa behar bezala betetzen ez badu, emandako diru laguntza itzultzeko betebeharra duela konpromisoa hartzen du.

- h. EEEK hala eskatzen baldin dio, onuradunak konpromisoa hartzen du lortutako emaitzen bilakaeraren berri emateko, baita haien dibulgazio lanak egiteko ere, bost (5) urteko epean, EEEK diru laguntza ematen duen egunetik kontatzen hasita.
- i. Diru laguntza ematearekin zerikusia duen edozein aldaketa objektiboa zein subjektiboaren berri ematea EEEri.
- j. Eman daitekeen diru laguntza ondo erabiltzen dela egiaztatzeko, EEEK eska diezaiokeen informazio guztia emango du onuradunak.
- k. Jarraian, EEE Energiaren Euskal Erakundearen informazio eta komunikazio betekizunak edo baldintzak behar bezala betetzeko jarraibideak zehazten dira, diru laguntza publikoa jasotzeari lotutako betebeharrak era efektiboan bete ditzaten diru laguntzen onuradunek.

Egingo diren informazio eta komunikazioaren inguruko neurri eta jardura guztiek eskatzen dute onuradunaren ezagutza, Energiaren Euskal Erakundearen laguntzari dagokionez. Horretarako:

- Paperean, webgunean, App-en edo ikus-entzunezkoan egingo den jardura orok eduki beharko du berariazko aipamen edo erreferentzia hau: proiektu hau diruz lagundu da Energiaren Euskal Erakundearen laguntza programaren barruan. Euskarri horietan Energiaren Euskal Erakundearen logotipoa jarriko da. Energiaren Euskal Erakundearen logotipoa eskuragarri izango da EEEren webgunean, formatu bektorialean eta gaurkotuen egingo den azken bertsioan.
 - Hedabideetan diruz lagundutako proiektua sustatzeko komunikazio jardura guztiek eduki beharko dute berariazko aipamen edo erreferentzia bat, proiektu horrek Energiaren Euskal Erakundearen diru laguntza jaso duela nabarmentzeko eta komunikazio jardura horren berri emango zaio EEEri.
 - Diruz lagundutako instalazioan Energiaren Euskal Erakundeak emango duen kartel adierazgarri bat jarriko da, leku nabarmen batean eta ikusgai.
- l. Gauzatutako eta diruz lagundutako proiektuaren ondoriozko informazioa EEEren eskura jartzea, haren emaitzak zabaltzeko xedez, alde biek elkar hartuta.
- m. 2.6 atalean azaltzen diren laguntzek 2013ko abenduaren 17ko Europar Parlamentuaren eta Kontseiluaren (UE) 1303/2013 Erregelamenduan ezarritakoa bete beharko dutenez gero,

FEDERen kofinantzaketatik eratortzen diren gutxieneko eskakizunak edo betebeharrak hauexek dira:

- Euskadiko 2014-2020 aldirako FEDER Programa Operatiboaren esparruan kofinantzatuko dira laguntza hauek, eta horren berri eman beharko da jendaurrean, (UE) 1303/2013 Erregelamenduaren 115. artikuluko 3. atalaren eta XII. eranskineko 2.2. atalaren arabera. Alde horretatik, baldin eta diruz lagundutako jardueri buruzko informazio eta komunikazio jarduerak edo ekintzak egiten badira, FEDER bidezko kofinantzaketa komunitarioa (Europar Batasunarena) aipatu beharko da hedapenerako erabilitako material edo euskarrietan, Batasunaren ikurra eta Europar Batasunaren erreferentzia txertatuta. Operazioa garatzen ari den bitartean, haren deskribapen labur bat egin beharko da bere webgunean, Batasunaren diru laguntza nabarmenduz bertan, eta gutxienez proiektuari buruzko informazio kartel bat -A3ko gutxieneko tamainan- jarriko da, non Batasunaren diru laguntza aipatuko baita jendeak ikusteko moduan.
- FEDERen kofinantzaketa jasotzen duenak finantzaketari, administrazioari eta ekintzen garapeneraren jarraipenari buruzko informazioa artxibatu behar du, harik eta operazioaren gastuak barne hartzen dituzten kontuak aurkeztu eta ondorengo abenduaren 31tik 3 urte igarotzen diren arte, agintarien eskura eman beharrekin euren eskaera (1303/2013 Erregelamenduaren 125.4.d eta 140.1 artikulua).
- Finantzaketako ekintzen kontabilitate-sistema berezia edo erraz identifikagarri berariazko kodeketa mantentzea (UE) 1303/2013 Erregelamenduaren 125.4.b artikulua).
- FEDERen laguntza onartuz gero, onartu egingo da, halaber, (UE) 1303/2013 Erregelamenduaren 115. artikuluko 2. atalean eta XII. eranskinean jasotako operazioen zerrenda publikoan sartzea.
- Iruzurraren aurkako neurri eraginkorren eta proportzionalen aplikazioan laguntzea, bere kudeaketa esparruan, saihestea finantzaketa bikoitza, dokumentuen faltsifikazioa, eta abar; baita gerta litezkeen "bandera gorriak" antzemateko informazioa ematea ere. Neurri horiek guztiek ekar dezakete prozeduren berrikusketa, iruzur arriskuak ekiditeko, eta gerta liteke, iruzur arriskuak handitzat ebaluatuz gero, laguntza eskaera ez onartzea, edo kobratutakoari kentzea (1303/2013 Erregelamenduaren 125.4.c artikulua).

14. Ez betetzea eta dirua itzultzea

Jasotako diru laguntza osoaren edo zati baten itzultzeari ekingo zaio eta dagozkion berandutze-interesak eskatuko zaizkio (diruaren legezko interesari %25 gehituko zaio, Estatuaren Aurrekontu Orokorren Legeak beste kantitate bat esaten ez badu), diru laguntza ordaintzen zaion unetik edo egunetik itzulketa egiteko erabakia hartzen den data edo egunera arte, LGSen 37. artikuluan xedatutakoa betez. Itzulketa alde edo partzialki egin beharko den kasuetan, aipatutako LGSen 37.2 artikuluan xedatutako graduazio irizpideak kontuan hartuko dira.

Deialdi edo programa honetan ezarritako eskakizunak, aplikatu daitezkeen gainontzeko arauak edo diru laguntza emateko ebazpenean jarritako baldintzak bete ezik, dagozkion ez betetze espedienteak ireki, eta diru laguntzak ezeztatu eta itzuli egin beharko litzaioke EEERi, berandutze-interesekin batera. Hori guztia, honako legeriak xedatutakoa betez: 1/1997 Dekretu Legegilean xedatutakoari jarraiki eta abenduaren 17ko 698/1991 Dekretuaren II. idazpurua, Euskal Autonomia Erkidegoko aurrekontuen kontura emandako diru laguntzen bermeei eta itzulketei buruzko araudi orokorra arautzen duena, eta kudeaketan parte hartzen duten erakunde laguntzaileek bete behar dituzten eskakizunak, arautegia eta betebeharrak finkatzen dituena. Nolanahi ere, horrek ez du salbuesten bestelako zehapen eta lege-egintzetatik.

Errebokatze espedienteak hasarazteko eta ebazteko eskumena, eta, hala dagozkionean, diru laguntza alde edo osorik itzularazteko, EEERi zuzendari nagusiak du.

15. Informazio klausula eskatzaileei

DATUAK BABESTEARI BURUZKO INFORMAZIOA (Datuak Babesteari buruzko 2016/679 EB Erregelamendua betez)	
Tratamenduaren erantzulea	ENERGIAREN EUSKAL ERAKUNDEA (EEE) IFZ: Q5150001E Helbidea: Urkixo zumarkalea 36, 1. solairua, 48011, Bilbo (Bizkaia) Tel.: 94.403.56.00 kontaktua DPD: dpd@eve.eus
Helburua	- Zure laguntza eskaera egikaritu eta kudeatzea, eta, bidezko bada, zure emakidaren ondorioz ezartzen den harremana egikaritu eta kontrolatzea. - EEEekin harremanetan jartzeko hautatutako hizkuntzari dagokionez, betetzea derrigorrezkoa bada ere, Eusko Jaurlaritzaren hizkuntza politika eta estrategien esparruan erabiliko da datua, eta monitorizazioari eta estatistikari begira baino ez da baliatuko.
Tratamenduaren legitimazioa eta kontserbazioa	Interesdunaren baimena, eskaera aurkeztearekin batera adierazia. Informazioaren kontserbazioa: eskaera aztertzeke epearen eta aplikatu behar zaizkion lege-epeen barruan. Laguntza ematen bada, datuak emakidatuen bitartean bilduko dira, eta emakida indarrean dagoen bitartean kontserbatuko dira, eta, ondoren, aplikatu beharreko lege-epeen barruan.
Lagapenen hartzaileak	Alor horretan eskumenekoak diren kontroleko erakunde eta agintari autonomiko edo lokalak.
Interesdunen eskubideak	Datuetan sartzeko, datuak zuzendu, ezereztu eta mugatzeko, eramangarritasuneko edo datuen aurka egiteko eskubideak baliatu ahalko dituzu EEEko DPD atalari "datuak babesteko eskubideak baliatzeari" buruzko idazkia bidaliz, dirulaguntzei buruzko araudian ezarritakoarekin bat etor daitezkeen neurrian.
	Emandako baimena kentzeko eskubidea dute interesdunek.
	Interesdunek Kontrol Agintarien aurrean erreklamatzeko (www.avpd.eus) Datuak Babesteko Euskal Bulegoa eta www.agpd.es Datuak Babesteko Espainiako Agentzia) eskubidea dute.
Onuradunak konpromisoa hartzen du bere laguntza-eskaeran adierazitako proiektuaren kudeaketarekin, eta, bidezko bada, ondorengo egikaritzapenarekin, lotutako edozein pertsona fisiko edo juridikoren edozein datu pertsonal EEERI eman aurretik, dagokion pertsona fisiko edo juridiko horri alde aurretik adierazitakoaren berri emateko eta EEERI datu pertsonalak modu egokian lagatzeko aplikagarriak diren gainerako betekizunak betetzeko.	

16. Azken xedapenak

- EEERen erabakiak izaera administratiboa du, eta administrazioarekiko auzitegiei dagokie EEEK kudeatzen dituen diru laguntzekiko jurisdikzio-eskumena.
- 2020ko Toki herri administrazioaren alorrean energia eraginkortasunaren eta eguzki termikoaren aldeko laguntza programa honek emandako diru laguntzari esker egiten diren instalazioen irudien erabilera egiteko eskubidea du EEEK.
- Onuradunak, eskabidearen kudeaketan, aurkeztuko duen dokumentazioan edo informazioan egon daitezkeen akatsen edo errakuntzen erantzukizuna harena baino ez da izango, baldin eta eragiten badie zuzenean diru laguntza eskaera aintzat hartu edo ez hartzeari eta/edo EEEK eman beharko duen diru laguntzaren kantitateari. Horrexegatik, hain zuzen ere, diru laguntza emateko ebazpenean kontuan hartzen den gastuan egon litezkeen aldaketak, gastu efektiboaren gehikuntzan, ez dira inola ere berrikusiko, zenbatekoa areagotzeari begira.
- Oinarri hauetan azaltzen diren diru laguntzei honako honetan xedatutakoa aplikatuko zaie:
 - 38/2003 Legea, azaroaren 17koa, Diru Laguntzei buruzko Lege Orokorra.

- 887/2006 Errege Dekretua, uztailaren 21ekoa, Diru Laguntzei buruzko azaroaren 17ko 38/2003 Lege Orokorrari buruzko Arautegia onartzen duena.
- 1/1997 Legegintza Dekretua, azaroaren 11koa, Euskadiko Ogasun Nagusiaren Antolarauei buruzko Legearen Testu Bategina onartzen duena.
- Batzordearen 2014ko ekainaren 26ko UE 651/2014 Erregelamendua, zenbait diru laguntza mota barne-merkatuarekin bateragarriak jotzen dituen, Itunaren (DOUE 2014 L 187) 107. eta 108. artikuluen aplikazioaren ondorioz.
- 39/2015 Legea, urriaren 1ekoa, Administrazio Publikoen Administrazio Prozedura Erkidez diharduena.
- 29/1998 Legea, uztailaren 13koa, Administrazioarekiko Auzien Jurisdikzioa arautzen duena.
- 21/2012 Dekretua, otsailaren 21ekoa, Administrazio Elektronikoari buruzkoa.
- Ondorio horietarako aplikagarriak izango dira, haren xedetzat jotzen diren jarduerak FEDERen bidez kofinantzatuko badira, (UE) 1303/2013 eta 1301/2013 zenbakidun Erregelamenduak, 2013ko abenduaren 17ko Europar Parlamentuaren eta Kontseiluarenak, baita esparru honetan osatzen edo aldatzen duen beste edozein araudi ere.
- Aplikagarri izan daitekeen tokiko, autonomi erkidegoko, estatuko edo Europako beste edozein araudi.

